

Tiltak – formidling og forvaltning	Ansvar	Ekstra ressursar	Tidsramme / frist	Merknader
Etablere gode rutinar for sakshandsaming i kulturminnesaker, og for oppfølging av kulturminneplanen	Kulturavdelinga Plan- og næringsavdelinga	Ingen	2015	
Kartfeste og legge inn data i database (Askeladden)	Kulturavdelinga Fylkeskonservatoren	*	2015	* Innanfor eksisterande stillingsressurs over lang tid, eller ved ekstraløyving
Legge viktige kulturminne inn i Kulturminnesøk	Kulturavdelinga	*	2015 - 2018	*Tidkrevjande arbeid som må gjerast over fleire år
Plan for skilting og tilrettelegging av nyare tids kulturminne	Kulturavdelinga	10 000/år	2015 - 2018	Eitt nytt skilt i året etter eiga plan (Er alt tiltak i kulturplan).
Opprette kulturvernpris	Kulturavdelinga Plan- og næringsavdelinga	25 000/år	2016	Avhengig av politisk vedtak
Bruke kulturminneplanen som grunnlag for SMIL-tildelingar	Kulturavdelinga Plan- og næringsavdelinga	Ingen	2015	
Fritak for eigedomskatt for eigarar av kulturminne i klasse A	Plan- og næringsavdelinga	Ingen Noko tap av e-skatt	2016	Eigarar av nokre kulturminne er fritatt for e-skatt i dag. Oppdatere i samsvar med kulturminneplan.
Oppfølging av eigarar av viktige kulturminne – invitere til kurs, møte mm	Kultur Landbruk	*	Kontinuerleg	Målsetjing om å ha eitt tiltak i året *Det er mogleg å søkje støtte til kurs
Innsamling og digitalisering av stadnamn	Kulturavdelinga Frivillige	Ingen	2017	Har samla inn noko i samband med kulturminneplanen. Må vidareførast i samarbeid med stadnamnarkivet v/UIB
Plan for sikring av viktige kulturminnetypar: Sjøbruksmiljø, helletak, kulturminne langs vassdrag	Kulturavdelinga Plan- og nærings	*	2016	Verkemiddel: Smil-midlar, kurs *Plan krev ikkje ekstra ressursar, men tiltaka gjer
Opprette lokal støtteordning for eigarar av verna kulturminne	Kulturavdelinga Politisk vedtak Hordaland fylkeskommune	50 000/år		Hordaland fylkeskommune bidrar med lik sum som kommunen

Status, mål og aktuelle tiltak innanfor ulike tema i planen

Nokre tiltak kan gå inn i den ordinære drifta/aktiviteten i kommunen. Andre kan berre gjennomførast dersom det blir sett av ekstra midlar til det. Ein del tiltak er det mogleg å få eksterne tilskott til.

«Utvalde kulturminne/kulturmiljø» viser til status i kulturminneplanen (verneplanen).

Arkeologiske kulturminne

Status: Få fornminne er skilta, og mykje av denne eldste historia er ukjend for innbyggjarane i Sveio.

Mål: Sveio kommune har som mål å gjera den eldste delen av historia kjend ved å skilta viktige kulturminne og gjera dei tilgjengelege for publikum.

Tiltak:

Skilta eitt kulturminne i året med kulturminneskilt etter oppsett plan (BARK-programmet)	Årleg
Kartleggje Kongevegen med GPS	2015

Landbruk og kulturlandskap

Status: Størstedelen av kulturminna i Sveio er bygningar knytt til landbruk. Ein del blir teke vare på, men eigarane har ansvar for ein stor bygningsmasse, som dei ofte ikkje har bruk for, og mykje er truga av forfall. Modernisering kan òg vera ei utfordring. Kommunen forvaltar SMIL-ordninga der ein kan gje støtte til kulturverntiltak på gardsbruk i drift.

Mål: Å stansa forfallet av verdifulle kulturminne (klasse A og B) knytt til landbruk, og stimulera til vern gjennom bruk.

Tiltak:

Bruke kulturminneplanen som grunnlag for SMIL-tildelingar	2016
Fritak for eigedomskatt for kulturminne i klasse A	2016
Oppfølging av eigarar av viktige kulturminne – invitere til kurs, møte mm	Ein gong i året
Kurs i legging av helletak (td i samarbeid med landbruksorganisasjonane)	2016
Kurs i tørrmuring (samarbeid med aktuelle organisasjonar/bygningsverntenesta e.a)	2017

Kulturminne langs vassdraga

Status: Vasskrafta i bekkar og elvar i Sveio blir ikkje lenger utnytta. Mange av kulturminna knytt til bruk av vassdraga er i ruinar eller i forfall. Dei fleste ligg i utmark og er i liten grad truga av utbygging.

Mål: Å sikra at dei ståande kvernhusa og (minst) ei sag blir bevart for ettertida. Å sikra at ruinane blir bevarte som lokalhistorisk dokumentasjon for ettertida.

Tiltak: Hjelpa eigarar av kulturminne langs vassdrag å søkja støtte til restaurering, og skilta utvalde vassdragsmiljø.

Oppfordra og hjelpa eigarar av kulturminne langs vassdrag til å søkja støtte til restaureing av kvernhus/sag	2015 - 2018
Kulturminneskilt ved prioriterte vassdragsmiljø	Etter nærare plan
Bruke kulturminneplanen som grunnlag for SMIL-tildelingar	Frå 2016

Kulturminne knytt til bruk av sjøen

Status: Det er mange verdifulle naust og andre kulturminne langs sjøen, men få heilskaplege sjøbruksmiljø att. Utbygging har endra karakteren til mange sjøbruksmiljø. Mange einskildbygg er truga av forfall.

Mål: Å verna eit utval av sjøbruksmiljø for ettertida. Å setja eigarar av verneverdige bygg og miljø i stand til å ta vare på kulturminna. Ved utbygging i område med verdifulle kulturminne skal nybygg underordna seg eksisterande bygningsmiljø.

Tiltak: Rettliing og hjelp med søknadar om støtte. Samarbeid med frivillige organisasjonar.

Råd og rettleiing til eigarar av bygningar/anlegg i dei utvalde sjøbruksmiljøa	2015 - 2018
Sikre sjøhuset i Buavåg for ålmenta i samarbeid med Sveio gullforening*	
Kartlegging av kulturminne under vatn ved hjelp av frivillige	2020

*Sveio gullforening ønskjer å kjøpa sjøhuset, men manglar midlar. Det er vanskeleg å få støtte til kjøp.

Kulturminne knytt til sagbruk, båtbygging og bøkring

Status: Det er lite kulturminne att som kan knytast til denne verksemda. Historia er lite kjend.

Mål: Å ta vare på og gjera kjend eit utval kulturminne som dokumenterer denne sida av historia.

Tiltak: Stimulera til vern av dei 6 attverande «Ålfjordnausta». Kulturminneskilt i Selsåsvika. Vern av saga på Røykenes.

Råd og rettleiing til eigarar av Ålfjordnaust (6 attverande)	2015 - 2018
Kulturminneskilt i Selsåsvika	2017

Kommunikasjon og samferdsle

Status: Ein del gamle ferdslveggar i utmark er merka og blir brukt som turstiar. Vegar som er i bruk som køyreveggar, er for det meste utvida og moderniserte. Deler av gamle Tittelsnesvegen er intakt der vegen er lagt om og svingar retta ut. Nokre gamle kaiar er bevarte.

Mål: Å ta vare på eit representativt utval kulturminne knytt til samferdsle. Å gjera gamle ferdslveggar tilgjengelege som turveggar.

Tiltak:

Kartleggja gamle ferdslveggar ved hjelp av GPS	2016
Merka og skilta gamle ferdslveggar som turstiar etter nærare plan (etter kartlegging)	2017 - 2018

Kyrkjer og gravplassar

Status: Kyrkjer og kapell blir jamnleg vedlikehaldne og er hovudsakleg i god stand. Dei kyrkjegardane som er i bruk, blir godt vedlikehaldne. For kyrkjegardar som ikkje lenger er i bruk, er det mindre vedlikehald. Det manglar faste ordningar for vedlikehald av dei to kolerakyrkjegardane i kommunen.

Mål: Å sikra jamnleg vedlikehald av dei gravplassane som er omfatta av kulturminneplanen.

Tiltak:

Avtale om skjøtsel av kolerakyrkjegarden i Leirvåg	2015
Skjøtselstiltak på kolerakyrkjegarden i Brattestø, Mølstrevåg	2016
Kulturminneskilt ved Sveio gamle kyrkjestad/mellomalderkyrkjegard	2018

Tekniske og indutstrielle kulturminne

Status: Det er etter måten lite spor etter slik verksemd i Sveio. Det har likevel vore ein del gruvedrift og steinbrot, og noko industriverksemd i nyare tid.

Mål: Å ta vare på eit utval kulturminne som dokumenterer denne historia. Gullhistoria på Hovda og steibrota på Tittelsnes er prioriterte område.

Tiltak:

Bidra til formidling av gullhistoria på Hovda/Buavåg	Kontinuerleg
Kulturminneskilt – hellebrot på Tittelsnes. Eventuelt annan formidling?	Etter nærare plan

Tettstader, handel og offentleg verksemd

Status: I Sveio er det berre Førde som har eit historisk bygdemiljø av noko omfang. Av handelsstadene er mest bevart i Mølstrevåg og på Tjernagel. Mange skulebygg er bevarte. Det er få verneverdige bygg knytt til offentleg administrasjon.

Mål: Sikra at utvikling i Førde skjer med omsyn til det historiske bygdemiljøet. Bevare restane av handelsstadene i Mølstrevåg og Tjernagel.

Tiltak:

Laga detaljert plan for forvaltning av kulturminne i Førde	2019
Plan for sikring av handelsstadene Mølstrevåg og Tjernagel	2019

Organisasjonsliv og forsamlingshus

Status: Det er mange bedehus i kommunen, og færre av andre typar forsamlingshus. Mange av dagens forsamlingshus er nedlagde skular.

Mål: At minst eitt av bedehusa (prioriterte: Mølstre og Tjernagel) blir tatt vare på i opphavleg stand. Dokumentera historia til andre forsamlingshus.

Tiltak:

Stimulera til bevaring av bedehusa på Mølstre og Tjernagel	Ved behov
--	-----------

Kulturminne knytt til segner og historier

Status: Det er registrert nokre kulturminne som hovudsakleg har sin status knytt til segner og historier. Desse er lite kjende og ikkje skilta og merka.

Mål: Gjera segner og kulturminna knytt til dei kjende for innbyggjarane.

Tiltak:

Skilting og merking av aktuelle kulturminne: Istertveit, Bruraholmen, Krokane (?)	Etter nærare plan
---	-------------------

Krigsminne

Status: Det er to fort frå 2. verdskrigen i Sveio. Det eine (Tittelsnes) har seinare vore brukt av forsvaret og er avhenda av Skifte eigedom. Fortet er del av Landsverneplan for forsvaret.. Det andre (Nesheim) har forfalt.

Mål: Gjera historia kjend for innbyggjarane, og områda tilgjengelege.

Tiltak: Skilting og sikring.

Kulturminneskilt på Tittelsnes Fort	Etter nærare plan
Sikring og skilting av fortet på Nesheim	Etter nærare plan

Kulturminne frå etterkrigstida

Status: Dette er kort gjort greie for i kulturminneplanen, og det er peika på eit lite utval representative kulturminne. Førebels er lite av dette aktuelt å verne, men det er viktig å vera merksam på at også dette vil vera viktige kulturminne for ettertida.

Mål: Å ta vare på eit representativt utval av kulturminne frå etterkrigstida.

Tiltak: Førebels ingen. Det må vurderast om fleire kutlurminne frå etterkrigstida skal vernast i samband med rullering av kulturminneplanen.